

PAUL CROES TA DEN KIA DESDE DIAMARS MAINTA:

**“MI TA CARGA MI
RESPONSABILIDAD MANERA
SEMPER MI A HACI”**



**ENTRANTE AWE
OPERACION DI KFC Y
BK MESTER BAY DEN
MAN DI GRUPO NUCETE
DI BRIGHT BAKERY**

**SITUACION NA
SURNAM TA UN
ADVERTENCIA SERIO
PA SITUACION
NA ARUBA**

**GOBIERNO A LAGA HACI ESTUDIO SI,
UZO DI CASNAN PA
AIRBNB TA STROBA
LOCALNAN PA YEGA
NA NAN MESUN CAS**

**EMPRESARIONAN
NA HULANDA TA
PIDI GOBIERNO
MAS ESPACIO PA
PUSHA ECONOMIA**
NA ARUBA ESAKI TA CASTIGABEL

Stop Searching for Content!

Find and access content based on *what it is*, not where it is saved



M-Files®

Intelligent Information Management

- System Neutral, Metadata Driven
- Cloud, On-Premises, or Hybrid
- Automated Workflows
- Seamless Integration with Microsoft Office and more

VCC
International NV

Tel. 583-7072 | info@vcc-int.com | www.vcc-int.com

Paul Croes ta den KIA desde diamars mainta:

“Mi ta carga mi responsabilidad manera semper mi a haci”

Esnan cu ta amigo di Paul Croes por a saca afo cu e tabata preparando su famia pa ausencia pa dos aña, despues di e ultimo veredicto di Corte di Casacion. Especialmente e potret cu el a publica dialuna riba su Facebook unda por mira e mannan di e 4 miembro di famia Croes-Paesch. Y esaki a sosode diamars mainta tempran. Sin ningun anuncio previo.

Momento cu el a manda e declaracion via di Facebook, cu tabata programa, ya caba el a yega KIA pa e cuminsa sinta su castigo. Y riba su Facebook por a lesa su mensahe cu ta bisa “mi ta carga mi responsabilidad manera semper mi a haci”.

Diamars mainta Paul Croes a meld na Korrektie Instituut Aruba pa sinta su sentencia di 3 aña di prizon. El a haci esaki den tur tranquilidad sin ningun fanfaria y sin a laga avisa ningun medio of amigonan. El a scoge esaki pa tranquilidad di su famia y esnan cerca na dje, segun AWEMainta a wordo informa.

Su palabranan pa prensa prome cu el a bay paden tabata “Mi ta carga mi responsabilidad cu un mente y curason trankil. Como esun responsabel pa tur cos cu ta encera un Ministerio di Gobierno ami ta esun cu mester carga e responsabilidad aki. E periodo aki mi lo uz’e pa enfoca riba cosnan positivo cu mi por saca for di e momento pisa aki den mi bida y yuda hobennan cu ta cay cera y yuda den duna les na esnan cu lo desea esaki” Paul Croes a bisa.

“Sigur e ta un situacion duro pa mi y mi famia. Momentonan dificil cu nos ta pasando aden pero cu un confiansa y energia positivo nos ta sali for di esaki tambe. Mi lo sali hopi mas fuerte di henter e situacion aki. No ta e ultimo cu boso lo scucha di Paul Croes” tabata su declaracion.

Paul Croes a ricibi e sentencia final di Corte Supremo (Hoge Raad) Cassatie na Hulanda dia 7 di Februari recientemente. OM a dun’e te dia 21 di Februari pa meld na KIA y esaki ta locual el a haci tambe, despues di a pasa e fecha di cumpleaños di su yiu muhe den fin di siman.

E sentencia final despues cu OM a pidi 5 aña di prizon pe, a resulta den 3 aña. Di esaki e lo mester sinta 2 aña den prizon.



Finalmente Caso IBIS a resulta un caso unda a acusa Paul Croes di a uza 55.000 florin di su propio Fundacion Politico pa uzo personal. Algo cu Croes te na ultimo a keda bringa, pero tawata parce cu tur cos tawata delinea pa ta ‘kant en klaar’, segun esnan rond di dje a bisa.

Fuentenan cerca na e caso ta informa prensa cu Paul Croes su team di defensa ta evaluando pa inicia un proceso di Corte Europeo di Derechonan Humano pa e 86 dianan cu el a pasa den isolacion, algo inhumano pa e acusacionnan cu tawatin den su contra durante e inicio di e caso aki, considera un abuso di marca mayor.

Entrante awe operacion di KFC y BK mester bay den man di grupo Nucete di Bright Bakery

E compania local cu tin e frankicia di KFC y Burger King ta den problema serio. Pa algun tempo caba a constata cu e clientenan ta decepciona pa e forma di maneha e empresanan aki.

No ta papia solamente di servicio cu ta brinda den e establecimiento pero hasta e limpieza ta laga di desea. Pa algun luna caba clientenan ta critica cu hopi biaha no tin producto disponibel. Por ehempel den e caso di KFC nan famoso biscuit hopi biaha pa tempo largo no ta disponibel.

Nan mester a cambia e refresconan cu nan tabata uza pa motibo cu nan cuenta a wordo cera na e otro compania cu tabata entrega e producto aki na nan. Banda di esaki a hinca placa den construccion di varios edificio nobo pero tambe filialnan nobo manera BK Santa Cruz y edificio nobo pa KFC y BK na Playa.

Pues pa casi un aña caba e situacion aki tabata andando ora cu a

haya interes di un posibel comprado. Ta trata di Miguel Nucete cu ta esun cu a “cumpra” Bright Bakery riba un lease agreement.

Nucete y su compania ta interesa pero no tin e cash pa cual mester haya financiamento di banco y aki e rabo di porco a cuminsa crul.

Den e negociacion cu Nucete a inicia pa compra share di e companianan local doño di KFC y BK, hopi cos a bay robes, di loke por a lesa den sentencia di Corte duna recientemente.

Hecho cu e propio Nucete, sin haci due diligence prome a bay di acuerdo pa tuma operacion di e companianan over prome cu e compra mes tuma luga. Loke ta remarcabel ta cu den e proceso aki ambos partido tabatin e mesun abogado, cual no ta normal den mundo di comercial.

Nucete a comete poco eror barbaro, manera firma pa tuma operacion despues di dos dia, lagando e condicionnan poni pa compra di sharenan cay (kisas inconscientemente).
Asina por

ehempel, e ta bisa cu e no haya e relato financiero pa entrega esaki na banco. P’esey e no por tuma e operacion over. Pero Huez a mustre tuma operacion over no ta mescos compra e sharenan. Y a bis’e bon cla “abo mes a firma pa tuma e operacion despues di dos dia” di firma un asina yama Side Letter, banda di e Share Purchase Agreement.

Awo a yega 7 di december y nada di Nucete su compania pa tuma over pa cual Island Holding, doño di e frankicianan local di KFC y BK a mustre riba loke a firma y cu esey no a sosode. Awo cu Island Holding a bay Corte pa orden’e tuma e operacion den algun dia, a sinti cu door di e situacion malo di e bendedo e lo ta trata di saca lo miho di e situacion aki. Pero Huez a bis’e “no, no meneer. Cos no ta bay asina.” E condicionnan ta algo cu no por cambia awo y “nos ta papia especificamente di tuma operacion over”. Y esaki bo mester cumpli cu e palabracion, tabata e ordo di Corte. Asina mes a duna e compania di Nucete dos siman di tempo. Esaki ta pa nan por toch sinta como profesional hunto y regla algun punto, no pa haci cambio. E sentencia aki tabata dia 6 di

februari y esey ta nifica cu pa awe diaranson, 22 di februari, ta e dia pa Etecun tuma over e operacion y finalisa e procedura pa haya 30 milyon florin pa compra di e frankicianan local, cual compra ta bini tambe cu algun edificio.



Situacion na Surnam ta un advertencia serio pa situacion na Aruba



Ministerio di Asuntonan di Exterio di Hulanda, diasabra anochi a emiti un comunicado caminda ta conseha esunnan cu kier biaha pa Paramaribo, Surnam, pa nan evita di bay den centro di e ciudad, evita tambe edificionan di gobierno y sigur sitionan caminda tin aglomeracion di hopi hende. Autoridadnan ta anticipando cu e siman aki, demostracionnan contra di gobierno di e pais lo continua y ta anticipando cu esaki lo bira mas grandi cu mas ciudadano rabia subiendo caya pa protesta contra di gobierno di e pais.

Ministerio Hulandes ta anticipa cu actividadnan lo continua y cu esakinan lo ta compaa pa mas violencia cu esunnan di siman pasa y ta conseha tur ciudadano Hulandes cu ta rumbo pa Surnam, pa sigui instruccionnan cu ta ser emiti, tambe recomendacionnan di autoridadnan di Surnam. Pueblo Surnameño a dicidi di subi caya pa manifesta nan disgusto y rabia pa cu e maneho di e gobierno di Presidente Chan Santohki, acusando gobierno di ta responsabel pa e crisis economico cu e pais ta confrontando pa algun tempo caba.

Inflacion den e pais a alcansa 54% algo nunca antes bisto mientras cu e pais ta

conta c'un debe nacional inmenso cual tin man di gobierno mara y caminda practicamente no por haci mucho pa pueblo su bienestar. Gobierno Hulandes a keda impresiona pa e situacion cu a surgi caminda a haci hopi uzo di violencia y e forma con demostrantenan a kibra y drenta varios negoshi, a purba di penetra den edificionan di gobierno y hasta violencia contra di otro ciudadanonan cu ta sostene gobierno.

Pa algun siman caba a surgi situacionnan hopi tenso den comunidad pero diripiente diabierna ultimo e demostrantenan a cuminsa destrui negoshi y edificionan, a cuminsa 'plunder' tur caminda cu tabata por y esaki sin duda a bira algo hopi serio mes.

Ya no ta cuestion di spera riba gobierno mas, ya cu un ciudadano si e ta hincando gasolin den su auto of ta cumprando den un supermercado, den henter e pais ta sinti e crisis economico aki, cu ta birando dia pa dia mas pio. Ciudadanonan ta drenta un supermercado pa cumpra mesun cosnan cu nan a cumpra un siman prome pero e placa cu nan a paga un siman prome, ya no ta suficiente pa haya mesun productonan ya cu inflacion ta sigui aumenta.

ADVERTENCIA

Ta un situacion cu tambe ta hopi notabel aki na Aruba, caminda inflacion ta sigui pa su cuenta, aumento di produccion di prome necesidad, caminda 20 florin di produccion den cualkier negoshi, ya no ta suficiente y dor di inflacion e consumido tin mester di entre 35 pa 40 florin pa paga loke el a cumpra algun siman prome. Mescos cu na Surnam, aki na Aruba tambe e clase media den comunidad, un grupo cu tabata practicamente e weso di lomba di e pais, ta birando pover y e pobernan ta birando mas pover, creando un situacion cu ta casi igual cu Surnam.

Loke gobierno tin suerte te cu aworaki, ta cu sindicatonan cu fuera di nan rol di ta lucha pa e situacion laboral di nan miembronan, ta institucionnan cu mester salvaguardia e bienestar di henter pueblo pero pa algun tempo caba sindicatonan ta den skina di gobierno, aceptando tur medida, sin lanta bos pa defende pueblo.

Mescos cu na Surnam, e situacion aki na Aruba ta manera un wea di presion, caminda un rato pa otro e lo por saca steam y hasta explota y pueblo lo por subi caya pa muestra su desaprobacion pa e maneho di gabinete Wever Croes II.

Gobierno a laga haci estudio si,

Uzo di casnan pa AirBnB ta stroba localnan pa yega na nan mesun cas

Lo cuminsa un estudio pa midi e impacto di “vacation rental” riba e cantidad di casnan pagabel pa localnan. Cada cas cu wordo ofreci como “vacation rental” ta nifica cu tin menos pa nos propio localnan.

E cantidad di casnan obtenibel pa localnan ta baha door cu personanan – cu no ta biba na Aruba – ta cumpra casnan den zona residencial cu e meta di haci esaki un “AirBnB”.

Cu menos cas obtenibel door di e desaroyo aki pero cu un demanda grandi pa cas, e prijs pa cas ta sigui subi y bira impagabel pa nos mesun hendenan. Esaki ta stroba nos localnan di yega na nan propio cas.

Esaki ta un desaroyo preocupante y cu tin e atencion di gobierno di Aruba. Door di falta di informacion y maneho riba “vacation rental” priva, Minister Geoffrey Wever su peticion na Consejo di Minister a wordo aproba pa asina cuminsa un estudio pa midi e impacto economico, social y pa sociedad di “vacation rental” na Aruba.

E estudio esencial aki, fase 1, lo wordo ehecuta prome y basa riba e resultado di fase 1, fase 2 lo bira un conseho riba un maneho concreto

y inclusivo.

Desaroyo sostenibel ta encera un sociedad inclusivo den cual cada persona por participa y logra su metanan. Cada local mester por yega na su propio cas.

Garantisa acceso na cas adecua, sigur y pagabel pa un y tur, Sustainable Development Goal 11, ta un condicion necesario pa desaroyo sostenibel. “Mi ta sigur cu e estudio aki lo duna nos e informacion relevante pa traha maneho na beneficio di y eleva calidad di bida di nos ciudadanonan”, segun minister Geoffrey Wever.



Por favor Adopta mi


CAT Adoption DAY
March 4, 2023

BESTIAL PET SHOP
TANKI FLIP 119, LOK 1
10AM-4PM

- MUST BE INSIDE CAT
- ADOPTION FEE AFL 75,- (INCLUDES STERILIZATION AND 1 X FLEA TREATMENT)
- CAT LITTER BOX TRAINED

Nine Lives ARUBA

BESTIAL



Are you who we're looking for?
Become part of the Aruba team!

Are you our prospective **Administrative Officer – Pension** in the Life department at our Guardian Group Fatum Aruba Office?

Scan the QR code or use the link below to apply:
<https://qrco.de/GGAdminoff>

Administrative Officer
 As an Administrative Officer for the Pension department at Guardian Group Fatum you are responsible for executing administrative activities, such as those related to the policy or claims administration and answering customer questions related to the assigned administrations, in line with (departmental) guidelines, procedures and work instructions, in such a way that the data is correctly administered, policies are timely available and internal and external questions and problems are solved and internal colleagues are optimally supported in their jobs.

Let's make life better! Join us, apply now.

Guardian Group
 Fatum

live easy

f y o in
 myguardiangroup.com



Mirrors Beauty Academy ta ofrece e siguiente servicionan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Slompo 4 a laga piscadonan na caya riba lama

Diamars mainta Wardacosta a ricibi un notificacion di e boto Slompo 4 cu tawata tin problema cu motor riba lama. E capitan a notifica cu su boto di pesca tawata tin problema y cu e no por a sigui nabega. E punto di sosten di Wardacosta na Aruba mesora a dirigi un patruya pa bay na localidad di e boto.

Una bes cu a yega na e localidad di e boto banda di Commandeursbaai, e boto patruyero di Wardacosta a tou e boto cu dos persona abordo. Wardacosta a hiba e boto na Pier di Commandeursbaai, caminda Slompo 4 por a mara cu seguridad.

Wardacosta ta avisa doñonan di boto pa haci mantencion regular na nan botonan. Pa nan propio seguridad na bordo mester tin: suficiente chaleco di salbabida, un flashlight cu bateria y un pito, un EHBO kit, suficiente awa, aparato pa paga candela, VHF radio of un celular full di



APPAREL

BOAT ACCESSORIES

TOD-MAR

Facebook: TodomarAruba | Twitter: @TodomarAruba | Instagram: TodomarAruba | Phone: +297 585 0555

FISHING TACKLE

FIBERGLASS PRODUCTS



charge. Evita e chens di un accidente of situacion peligroso riba lama cu bo boto of seadoo.

Den caso cu bo mester di yudansa bo por yama Wardacosta riba 913 of e whatsapp number 005999, 510 0913. Gosa di lama y beachnan na un manera safe.

Empresarionan na Hulanda ta pidi gobierno mas espacio pa pusha economia

Na Aruba esaki ta castigabel

Empresarionan Hulandes ta muestra cu nan ta indispensabel pa e pais, tanto companianan chikito como empresanan grandi y ta pidi gobierno pa nan haya mas espacio pa sigui inverti den economia di e pais y asina sirbi interes di hopi hende.

Mientras cu na Hulanda empresarionan ta pidi gobierno mas espacio pa nan desaroya nan mes, aliviando diferente ley conoci como “red tapes” pa nan por sigui amplia nan companianan, aki na Aruba e situacion ta birando dia pa dia mas dificil pa empresarionan. Mescos cu aki na Aruba, caminda empresarionan ta wordo liga di tin mucho laso cu mandatarionan, na Hulanda nan ta haya tambe cu sin necesidad empresarionan ta wordo pinta den un forma negativo cu lo tin interes solamente den nan propio interes mientras cu esaki no ta e caso.

E grupo aki ta muestra cu dia'den dia'fo nan ta tumando riesgonan grandi cu nan negoshi pa asina mes nan scucha entre otro mandatario- of otro instancianan cuestiona nan forma di procede dunando e impresion cu nan kier pa e empresarionan stop di existi si ta posibel.

Entre otro ta ser culpa empresarionan di ta culpabel na dañá medio ambiente, cu nan no ta trata nan empleadonan bon y cu solamente empresarionan lo ta interesa den gana placa.

Partido VVD di Prome Minister Rutte ta haya e posicion aki hopi incorrecto y cu e vision aki ta presenta un riesgo grandi pa futuro di e pais, ya cu realmente empresanan grandi y chikito, ta di vital importancia pa Hulanda a ser muestra.



Pa colmo ta ser muestra cu 7 di cada 10 persona cu ta lanta tur dia pa bay trabou, ta hendenan cu emplea pa empresanan grandi, negoshinan chikito y otro tipo di empresanan moderno. Sinembargo apesar di tur e aspectonan positivo aki, ta sigui crea un impresion erroneo cu no ta necesario y ta influencia cualkier intencion cu empresarionan tin pa cu nan compania, pa Sali dilanti y sigui desaroya economia di e pais aki.

ARUBA

Notabel di e informacion aki for di Hulanda, aki na Aruba tin un situacion casi igual ya cu ta pa hopi tempo caba tin empresario- y inversionistanan ta critica un serie di asuntonan cu ta strobando nan desaroyo of expansion.

E asina yama “red tape” a bin na cantidad di ocasion riba mesa, caminda empresario y inversionistanan ta muestra riba asuntonan legal cu nan ta trata di regla pero no ta haya e cooperacion necesario di departamentonan di gobierno.

Varios gobierno desde Status Aparte a yega di purba pa elimina e “red tape” aki den su propio departamentonan

pero constantemente ta surgi e mesun critica, riba e tardansa riba peticionnan haci di parti di e empresanan aki.

Den 2022 varios miembro di Parlamento a muestra cu gobierno, nan gobierno, tin cu haci mas na purba elimina e sistema aki, caminda un peticion cu no mester tuma demasiado tempo, ta tarda asina hopi cu esaki ta haci comerciantenan desespera.

Loke tambe ta un gran diferencia entre e situacion aki, ta e hecho cu ultimo añanan mandatarionan a ser persigui hunto empresarionan pa motibo cu e sistema hudicial ta haya cu na momento c'un minister yuda un empresario pa regla su permisonan, esaki ta ser considera como un caso castigabel caminda husticia ta pensa cu aki e mandatario a wordo privilegia sin cu a presenta prueba concreto di e acusacion aki.

Cu na Hulanda awor empresarionan ta bin dilanti y bolbe bisa publicamente cu nan tin mester di mas ayudo, mas espacio, ta muestra cu nan kier cambio pero e tipo di cambionan aki na Aruba ainda ta muestra hopi leu pa wordo logra.

Comerciantenan cu tin un negoshi propio y e volumen di benta ta Afl. 50.000 of menos, no mester declara ni paga BBO/BAVP y BAZV

E regulacion aki no ta conta pa e comerciantenan cu ta explota bienes

E comerciantenan cu tin un negoshi propio (eenmanszaak) y e volumen di benta di nan empresa ta Afl. 50.000 of menos pa aña, no mester declara ni paga BBO/BAVP y BAZV. Pa ley, e comerciantenan aki ta wordo absolvi di e debenan pa declara y paga BBO/BAVP y BAZV. E regulacion aki no ta valido pa e comerciantenan cu ta explota bienes cu e meta pa ricibi entrada permanente. Por ehempel e comerciante cu ta ricibi entrada di huur di un propiedad inmobil (cas of otro edificio) si lo mester paga BBO/BAVP y BAZV tur luna. E cambionan menciona aki ta na vigor entrante 1 di januari 2023.

Kico si mester declara?

Tur aña e comerciantenan menciona mester raporta e volumen di benta ("bedrijfsomzet") di nan empresa den nan declaracion di inkomstenbe-

lasting. Departamento di Impuesto ta saca e formulario di declaracion aki tur aña. Por ehempel: e formulario di aña 2023 lo sali den aña 2024.

Si surpasa e suma maximo di Afl. 50.000

Si e volumen di benta surpasa Afl. 50.000 durante aña, e ora e comerciante tin cu notifica Departamento di Impuesto mesora pa e por wordo registra pa BBO/BAVP y BAZV. Den e caso aki e comerciante mester cuminsa declara y paga BBO/BAVP y BAZV tur luna den e aña vigente y durante e añanan cu ta sigui.




**IF YOU ARE A PASSIONATE HOSPITALITY PROFESSIONAL,
 EAGER TO JOIN A WINNING TEAM,
 TOP 25 RESORTS IN THE WORLD ON TRIPADVISOR,
 ALSO THE FIRST CARBON NEUTRAL RESORT IN THE CARIBBEAN**

WE'RE LOOKING FOR YOU


| | | |
|---------------------------|--|--|
| F&B SUPERVISOR | SOUS CHEF | CONCIERGE/ FRONT DESK AGENT FLUENT IN ITALIAN AND/OR GERMAN |
| BARTENDER | COOK | TECHNICIAN |
| BEACH ATTENDANT | BREAKFAST ATTENDANT (PART-TIME) | ENGINEERING ADMINISTRATOR (PART-TIME) |

EXCELLENT BENEFITS

- ATTRACTIVE SALARIES WITH BONUS OPPORTUNITIES
- 5-DAY WORKWEEK
- UP TO 27 VACATION DAYS (BASED ON YEARS OF SERVICE)
- HEALTH DISABILITIES AND LIFE INSURANCE
- DENTAL AND VISION INSURANCES
- SAVINGS & LOANS PROGRAM
- EMPLOYEE DISCOUNT AT TARA ECO SUPPLIES AND MAJOR LOCAL SUPERMARKET

APPLY ONLINE AT WWW.BUCUTI.COM/CAREERS

Cushina di cas na candela, presencia di brandweer y ambulance a wordo pidi



Diamars algo prome cu 3or di atardi, brandweer a sali cu urgencia pa un cushina cu lo tabata na candela. E cas lo tabata bou huma. Den e cas lo tabata tin dos persona grandi. Na yegada brandweer mesora a domina y combati e candela. E personal di brandweer a pidi pa presencia di ambulance pa haci un chequeo medico cu e señora, mirando cu e señora a keda basta spanta. E candela a cuminsa na momento cu e señora tabata den cushina dilanti stoof ta hasando algo y di golpi e vlamnan a bay halto.

Exhibicionista a saca su parti intimo pa un dama turista y su yiu menor di edad



Dialuna anochi prome cu 10'or polisnan a bay area di Paseo Herencia pa un homber cu lo a saca su parti intimo den baño pa un dama turista compaña pa su yiu menor di edad. Na yegada polisnan a papia cu casa di e muhe y e lo a spli-ca nan kico a sosode den baño di un estableci-mento ey banda.

Parce cu e homber ya lo tawata bezig algun rato prome den area di Holiday Inn y Moomba. Dilanti un tienda di e mall nan a bin detene e homber aki, cu aparentemente lo ta mesun homber cu den pasado lo tawata ofrece muchanan di scol placa pa subi den auto cu ne.

Mester añadi cu e homber tawata sodando profusamente, un indicacion cu posiblemente e lo a uza un of otro substancia cu a pone su sistema nervioso bay den "over drive". Polis a bay unda e mama cu a yiu menor di edad tawata pa tuma nan declaracion. Agentenan a pidi transportwagen cu lo mester a hiba e homber Strandpolitie y tambe a bay over pa notifica e departamentonan concerni manera Slachtofferhulp y Jeugd en Zeden Politie(JZP).

PAN BATI, SCABECHI, SEAFOOD SALAD, SULZ, SANGER YENA, CONCOMBER OF PAPAYA STOBA, SANCOCHO, AWA DI PLAYA, QUESILLO, PANBOYO, BOLO PRETO AND MUCH MORE!

AUTHENTIC ARUBAN & CARIBBEAN BUFFET

Elements
RESTAURANT

LOCATED AT BUCUTI
& TARA BEACH RESORT

RESERVATIONS REQUIRED

elementsaruba.com | +297 592 5868

ADULTS ONLY | CASHLESS | NO SMOKING | NO GROUPS

\$24.50
SERVICE CHARGE
INCLUDED

Aruba ta conta awor cu un centro dental nobo situa na Solito esta Dental Wellness

Dialuna 20 di Februari a tuma luga cortamento di cinta di Dental wellness. N'e ocasion aki a hiba palabra entre otro propietario di e centro dental nobo aki esta Oscalina van de L'Isle miho conoci como Alina. Alina a gradici tur presente y esnan cu a colabora pa por realisa un soño di dje, esta Dental Wellness cu ta situa na Solito.

Despues di a termina su studio exitosamente na Hulanda como mondhygienist na Hanze Universiteit na Groningen na 2019 cu su titulo BSc, el a regresa su isla natal. Desde aña 2020 a ofrece su servicio na diferente consultorio dental, e.o. Pre-Care Clinic, H.M. Tromp dental care,


N.S. Djoehari, clinica dental di dra Dariela Vega y Van trikt dental.

Sinembargo meta y soño di Alina tawata pa por tin su propio consultorio dental y awor esaki a bira un realidad completo.

Formando parti di e team tambe ta Karen K. L. Daza Escobar kende a gradua na e Universidad El Bosque na Colombia na 2019 como dentista, y awor ta forma e team di Dental Wellness y ta cla pa brinda Aruba un servicio riba nivel reconoci internacionalmente y avansa. Karen tawata parti di servicio militar na unda el a ofrece su servicio como dentista y cu un afinidad pa trata mucha y pashent cu trauma.

Palabra di gradicimento na ta bay na Qredits Aruba, Vcd Developments Nv, ARBOR construction, Zen Services - Hairo Loefstop, Luis Alvaro Ramirez y Francois Stamper.

Aruba por ta orguyoso di un team hoben cu ta consisti di Etta Wever cual ta praktijk manager, Alina, Karen y Sandra Ortiz, ta ganando experiencia tur dia y ta cla y willing pa sigui brinda Aruba servicio dental cu e pashent como prioridad.



Cuminsa cu dibuja

Pintamento experimental dicta pa cu e artista Efrem Angela



Pintamento por ta un conexion direct na nos pensamiento. Nos ta hasi'e ora nos papia na telefon y cuminsa sketch automaticamente of ora nos ferfela nos mes mane studiantenan den un les cu ta laga trase di nan mes atras riba nan lessenaar. E por ta un tool hopi handig pa cuminsa brainstorm of planea un proyecto. E por wordo uza como un prome stap, tin biaha pa traha un pintura, otro biaha pa traha storyboard pa un film. E lesnan ta bay rond di warm up man y los nos creatividad. Mester djis cuminsa.

Cada persona por uza pintamento den nan mesun manera. Nos ta bay explora e doel di cada un, pa stap over na un otro medium of pa keda cu e mesun. E metodonan nos ta uza ta varia tambe. Cada persona tin nan tool preferi; pen, marker, potlood of spraypaint. Technique tambe ta varia. Tin ta prefera repetetivo y lihe, otro nan ta prefera slow y trankilo. Hasta e material cu nos uza pa pinta riba dje ta haci diferencia. Ami semper tawata pinta riba mi lessenaar den les, hinca mi den yen problema, pero nada tawata sinti miho cu potlood riba palo of un marker riba un muraya.

Mi ta spera cu e lesnan ki bo lo compronde mas dicon nos ta pinta; pa medita, pa brainstorm of pa cuminsa un proyecto mane un film of comics. Nos lo uza esey como entrada y sigui di eyan.

Tayer Fondonan Hulandes disponibel pa 'Herdenkingsjaar Slavernijverleden'

En conexion cu e conmemoracion di 160 aña di abolicion di sclavitud den Reino Hulandes, Gobierno Hulandes a aloca 2 milyon euro na dos fondonan Hulandes: Mondriaan Fonds y Fonds voor Cultuurparticipatie. E fondonan disponibel ta destina pa proyectonan of iniciativanan cu lo trata riba conscientisacion tocante e historia, abolicion y efectonan di sclavitud den Reino Hulandes.

Minister Xiomara Maduro ta informa cu Aruba tambe ta bin na remarca pa haci peticion di e fondonan aki. Pa e motibo aki, den un colaboracion entre Ministerio di Cultura hunto cu e grupo di trabou Comision Conscientisacion Sclavitud di Aruba, Biblioteca Nacional Aruba, Mondriaan Fonds y Fonds voor Cultuurparticipatie lo organisa un tayer informativo y interactivo tocante

e fondonan disponibel durante e aña di conmemoracion 'herdenkingsjaar slavernijverleden'. Durante e tayer lo splica mas amplio di con e areglo di e fondonan ta hinca den otro, puntonan di consideracion ora di haci peticion, miho practicanan 'best practices', y otro consehonan practico 'tips & tricks'.

Minister di Cultura ta invita tur esnan cu tin un idea of proyecto en conexion cu conscientisacion di sclavitud na Aruba pa participa y ricibi mas informacion na e Tayer Fondonan Hulandes Disponibel Pa 'Herdenkingsjaar Slavernijverleden.' E sesion lo wordo brinda door di e conseheronan cultural sra. Gyonne Goedhoop, sra. Dyonna Benett y sra. Tibisay Sankatsing Nava. Esaki lo tuma luga riba diabierna, 24 di februari 2023,



di 9'or di mainta pa 1'or di merdia na Biblioteca Nacional di Aruba den sala Diamante. E tayer lo wordo duna na Papiamento y Ingles. Entrada ta gratis. Pa participa mester registra prome cu 22 februari riba Eventbrite 'Tayer Fondo Slavernijverleden'.

Fortaleza Pa Famia

No ta cu forza, ni poder, pero pa medio di mi spirito dios ta bisa

TA tempo pa nos aumenta nos confiansa den Señor, ta tempo pa haci oracion sin stop, pasobra ta solamente Dios tin e ultimo palabra, y ora oracion ta subi na cielo, bendicion lo baha na tera. Pasobra pa Dios nada ta imposibel, nos Dios nunca a perde un bataya, y den Cristo Hesus nos ta mas cu vencedor.

Ta tempo pa laga tur cos den man di Señor pasobra esey ta demostra confiansa den Dios, cu aunke cu nos no ta mira Dios, nos sa cu E ta Fuerte, Firme y Fiel. Ora nos laga tur cos den man di Dios, nos lo mira Dios su man den tur cos.

Pasobra Ami ta Señor bo Dios. Kende ta sostene bo man drechi. Kende ta bisa bo, No tene miedo Ami lo yuda bo (Isaias 41:13).

No tene miedo pasobra Mi ta cu bo, no desmaya, pasobra Mi ta bo Dios, Lo Mi fortalece bo, si lo Mi yuda bo. Si lo Mi sostene bo cu e man drechi di husticia (Isaias 41:10).

Señor kier splica nos bon cla den Zacarias 4: 6 bisando: No ta pa medio di forza, ni pa medio di poder, ma pa medio di Mi Spirito, e Señor di ehercitonan ta bisa.

No ta pa medio di un ehercito, ni tampoco forza fisico, pero pa medio di e Spirito di Dios. Den e presencia di Dios murayanan lo cay y seronan lo move.

Dios kier recorda su pueblo cu su poder ta infinito, y solamente nos mester presenta tur nos oracionnan cu suplica y gradicimento y no ansha pa nada.

Mundo ta yen di ansha, preocupacion y stress, pero esnan cu ta kere den Dios, lo para firme sabiendo cu Dios ta cu nos.

Pa e motibo aki Bo ta grandi, O Señor Dios, pasobra no tin ningun manera Bo, y no tin ningun Dios fuera di Bo. Conforme tur loke nos a tende cu nos horea (2 Samuel 7:22).

Den Daniel capitulo 6 ta wordo demostra na nos cu Daniel tabata haci oracion tur momento y Daniel a sali victorioso, pasobra e rey mes a wordo convenci cu e Dios di Daniel ta e Dios berdadero (Daniel 6: 26+27).

Den ningun circunstancia Dios lo laga su pueblo bandona, y Dios a siña nos cu den tur momento nos por yega cerca di siguiente forma:

Si Mi pueblo, cu ta wordo yama na Mi nomber, humiya nan mes y haci oracion y busca Mi cara y bira for di nan mal camin-danan, e ora ey lo Mi tende for di cielo, i lo Mi perdona nan pica y cura nan tera (2 Cronicanan 7:14).

Nos mester siña nos yiunan, cu den tur circunstancia Dios ta nos refugio y fortaleza, y prome cu recorri na violencia, arma, pelea y hasta crimen, busca e cara di Dios, arepentí, confesa pica, pasobra Dios semper ta fiel y husto pa perdona.

Humiya boso mes anto bao di e man poderoso di Dios, pa E por halsa boso na e tempo apropia. Tirando boso preocupa-cion riba dj'E pasobra E ta percura pa boso (1 Pedro 5:6+7).

Sea keto y sabi cu Ami ta Dios, lo Mi wordo halsa memey di e nacionnan, lo Mi wordo halsa riba tera. Señor di ehercitonan ta cu nos e Dios di Jacob ta nos refugio (Salmo 46:10+11).

Awe ta bon momento pa reconoce Dios den bo bida, y no sigui biba pa biba, pero duna honor y respet na esun cu por haci tur cos bira realidad den bo bida, ora abo tuma e decision di entrega bo bida na Cristo Hesus. Awe ta e dia di bo salvacion.

Sinceramente Pastor Marcel Balootje

Insel Air ta un pasadia cu no ke pasa pa caba

E compania a bati bancarota lagando debe di mas cu 100 miyon florin atras

WILLEMSTAD - Siman pasa un tribunal civil local a continua cu e telaraña di bancarota di Insel Air pero pa un motibo poco uza esta, Griffier di Corte di Husticia a haci un demanda pa cobra Insel Air un cargo administrativo mucho mas halto den un veredicto anterior. Den un veredicto anterior Griffier di Corte a haci un demanda di algo mas cu 900 florin pero ora nan a tende cu un dje partidonan keto bay ta kere cu nan por saca 100 miyon dollar for di Venezuela, nan a subi nan tarifa na 50.000 florin.

Den e caso aki tabata Korpodeco contra e Curatornan Roy Botse y M.H.M. Janssen den e bancarota di Insel Air International B.V., cu tabatin mr. R.F. van den Heuvel como apoderado y Maduro & Curiel's Bank N.V. cu ta e partido cu contrapartida ta ser convoca pa presidente den Corte di Husticia den tratamiento dje apelacion. Na october di 2021 Korpodeco a bay den apelacion contra un veredicto cu corte di prome instancia a dicta dos luna prome. Basicamente Korpodeco a pidi pa condena e curator pa paga e gastonan di

ambos caso. E curator naturalmente a pidi hues pa confirma e veredicto original y condena Korpodeco pa paga tur gasto dje caso cu e tarifa di mas halto plus interes.

DICON E TARIFA MAS HALTO AWOR

Esencia dje caso ta pa haya un contesta riba ken tin derecho pa cobra un debe di decenas di miyones di dollar cu ta forma parti di loke Venezuela debe Insel Air pero cu Venezuela no kier a paga. Korpodeco a argumenta cu no por determina balor dje claim y e chens ta poco cu Banco Central di Venezuela lo paga loke Insel Air ta claim.

Griffier di corte sinembargo ta insisti cu e motivacion di Korpodeco su argumento tin interes financiero te cu nan ke fiha e derecho di Griffier mas halto posibel cu ta 50.000 florin.

Ainda mester paga NAf 14.100,- riba e costo pa procesa e claim den corte y corte a dicta cu lo duna Korpodeco te dia 28 di maart awor pa completa e griffie kosten. Dia 18 di april hues lo dicta veredicto den e caso pa bisa ken tin rason.

Joell S. a ricibi un castigo bastante modera

WILLEMSTAD - Diaranson 25 di januari ultimo e ciudadano Joell S. di 31 aña di edad tabata den sala di corte acusa di posesion di arma di candela, esta un pistol Prieto Beretta modelo 84 BB, plus e municion correspondiente. Pero pa dia 4 di october 2022 tabatin mas acusacion contra dje, pasobra a haya Joell S. cu 201 gram di cocaina reparti den 102 saco di plastic, mas 172 gram di marihuana. E fuerte sospecho cu a surgi mesora ta cu Joell S. ta deal den droga, pero Joell a nenga esaki redondamente. Polisnan a bishita negoshinan caminda e acusado sa sinta, ya cu tin bisa cu ta ey e sa bende droga. Joell S. a insisti cu e droga tabata pa uzo propio y cu e ke evita cu cada biaha e mester subi caya pa compra droga. Hopi largo Joell S. a sigui na palabra pa insisti cu e no ta den e negoshi di droga. Apart di e droga cu a hay'e cune, con cu bay con cu bini, posesion di arma di candela ta sigui ta un hecho castigabel. Fiscal señora mr. Eva Bos a yega na un demanda di 24 luna castigo di prizon.

Segun tratamiento di e caso tabata tumando luga y cu e abogado señora Alicia Blonk a bini na palabra e abogado aki a trece padilanti cu tin documentonan importante cu ta un dia prome cu e caso den corte el a ricibi, di manera cu e tempo tabata demasiado poco pa studia nan debidamente. Esey ta haci cu como abogado, encarga cu e defensa, mester mas tempo pa preparacion. Como tal e abogado a pidi pa wanta cu tratamiento di e caso. Tanto fiscal mr. Eva Bos como hues mr. Sigmar Carmelia a muestra comprension pa e argumentonan di señora mr. Blonk y a bay di acuerdo pa wanta cu tratamiento di e caso te diabierna 17 di februari ultimo pa 4or di atardi.

Enfin diabierna 17 di februari tratamiento di e caso a continua, cu abogado señora Alicia Blonk mencionando cu a detene Joell fuera di tur regla, como tal husticia a actua robes, segun e abogado y no tin rason pa persigui'e di e forma aki. Tog hues mr. Sigmar Carmelia a bay di acuerdo cu un castigo mucho mas abou, esta 18 luna di cua 6 luna condicional, mara na un periodo di prueba di 3 aña. Tambe e hues a dicide cu e placa cu ta pertenece na Joell, pero polisnan a bay cu ne, mester duna Joell bek.

Nan ke pa gobierno paga salario di dokternan

Advent a perde claim di 7.5 miyon contra gobierno

WILLEMSTAD - Bou di e circunstancia cu Corsou tabata den gara di e celebracion y turbulencia di carnaval e noticia a pasa desapersibido cu Corte a propina Hospital Advent un golpi duro cu rechazo di nan peticion pa condena gobierno pa paga nan un compensacion di 7.5 miyon florin y banda di esaki gobierno paga salario dje dokternan cu ta traha na Advent.

Ta for di 2010 Advent ta pidiendo gobierno pa autorisa nan aumenta nan tarificanan pero prome cu esey ta for di 22 aña pasa Advent ta pone presion riba gobierno pa aumenta e tarificanan cu nan por cobra pa cuida medico. Siendo ,cu na 2009 gobierno a autorisa SEHOS pa subi su tarificanan.

E peticionnan cu Advent haci na gobierno ta pa admiti cu gobierno (of SVB) cu gobierno admiti cu nan a comporta ilegalmente contra Advent dor di keda sin permiti nan aumenta nan tarificanan.

Pa gobierno admiti cu CMC ta haya un trato privilegia cu e permit cu nan a haya pa subi nan tarificanan compara cu Advent pa mesun tipo di cuida. Advent a pidi gobierno pa paga CMC mesun tarifa cu nan ta permiti CMC cobra cumin-sando for di januari 2019.

Seguidamente Advent a pidi hues pa obliga gobierno pa nan paga e specialistanan cu ta den servicio di Advent y obliga gobierno of SVB (cu no tin arte ni parti den stipulacion di tarifa) pa paga salario di specialistanan. E pakete di salario dje specialistanan cu ta den servicio di Advent ta monta NAF 7.561.652 cu forsa retroactivo di 2013 te cu 2020 y obliga gobierno pa paga Advent NAF 4.386.328. Esey ta e diferencia cu Advent a paga su specialistanan y te suma cu Advent mester a haya cerca gobierno of SVB pa paga e specialistanan di Advent. Tur esaki cu forsa retroactivo di



7 aña entre 2013 y 2020. Advent a pidi hues pa condena gobierno pa paga Advent NAF 4.941.646,99 cu interes cu advent a pre-financia pa cuida pashentnan di SVB.

Advent a pidi pa hues condena gobierno pa paga nan e daño perhuicio cu nan a sufri como consecuencia di inflacion for di 2001 te awe. Esey ta monta na e suma di NAF 5.955.512,54. Banda di esaki Advent a demanda pa gobierno paga nan 5 miyon como voorschot.

Advent a splica hues cu nan no por cubri nan gastonan cu e tarificanan absoluto cu ta data for di 2001 y actualmente ta den crisis financiero serio pasobra no a adapta e tarificanan 4ana pasa.

Te cu 2019 advent a logra tene cabes riba awa dor di tene su gastonan abo, paga poco salario y pospone inversion y sin tuma personal nobo den servicio. Esaki no por sigui sino Advent mester cera su porta a corto plaso. Nan mester haya un inyeccion temporal di 5 miyon florin te dia Corte tuma un decision definitivo. Gobierno na su turno no ta kere cu Advent ta den un situacion di emergencia pasobra te cu 2018 Advent tabata haci ganashi y gobierno ta rechasa e reclamo cu ta trata advent inhustamente.

Detencion relaciona cu caso di menasa y/of instigamento

WILLEMSTAD - Continuando cu un investigacion relaciona cu casonan di menasa y/o instigamento di otroan publicamente pa haci uzo di violencia contra agente(nan) policial e team di recherche di VVC a haci e prome detencion. Diamars 21 di februari 2023 alrededor di 11.15'or di mainta, e team di Recherche di VVC riba ordo di Fiscal di Ministerio Publico a haci detencion di e homber sospechoso:

J.B.A.C., nace na Corsou di 23 aña di edad. Detencion a tuma luga na su cas na Caya Sincuria.

A presenta e sospechoso dilanti un fiscal auxilia cu despues di interrogacion a ordena su encarcelamento pendiente di mas investigacion. Investigacion den e caso aki ta continua y no ta exclui mas detencion.



Jesus a bisa " Ami ta resurreccion y Bida!
Esun cu kere den Mi lo biba eternamente."

Cu profundo tristesa pero conforme cu boluntad
di Dios, nos ta participa fayecimento di:

Felicia Franken

Cariñosamente yama "Chichi"
*20-11-1939 - †19-02-2023

Na number di su:
Yiunan:
Erlinda y Jorge Pinilla-Kelly y yiu Deanna
Joselito y Sixta Lilive Perozo-Kelly y yiunan

Ruman:
Petra Rosalia Franken

Famianan:
Franken, Pinilla, Kelly, Tromp, Perozo, Trimon, Gei,
Boekhoudt, Dijkhoff, de Mey, Brete, Erasmus

Nos ta pidi disculpa si den nos tristesa nos por a
lubida un famia of amistad.
Acto di despedida y entiero lo tuma lugar na
Royal Funeral Home **diahuebs 23 di februari 2023**
di 2'or pa 4'or di atardi.

Despues lo sali pa Santana Central Sabana
Basora.

Nos ta lamenta cu despues di entiero nos no por
ricibi bishita di condolencia na cas.



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa". - Salmo: 23

Cu inmenso pena y dolor na nos curason, nos
ta anuncia fayecimento inespera di nos Tata,
ruman y omo stima:

Romulo Simeon Ruiz

Mihor conoci como: "Roque, Roki"
Na edad di 78 año

Acto di entiero lo wordo anuncia despues.



Ki alegria, ora nan a bisa mi:
"Ban cas di Señor!" I awor, ata mi aki para na bo
porta Señor. - Salmo 122

Cu hopi tristeza pero conforme boluntad di DIOS,
nos ta anuncia fayecimento cristian di:

Teresita de Cuba

Mihor conoci como "Chita", "Treesje" of "Tere"
*23-8-1933 - †19-2-2023

Acto di entiero lo wordo anuncia despues



Laga tur loke ta spera mi ta bunita
Laga tur locual cu mi
encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Cu profundo tristeza nos ta anuncia cu a fayece:

Lucia Gerson Lamiz

*04-03-1941 - †21-02-2023

Acto di despedida ta wordo anuncia despues.



Gradicimento

Na number di su esposa, yiunan y demas famia:

**Jacinto Demetrio
Geerman**

*22-12-1936 - †13-2-2023

Danki na tur famia, bisiñanan, conociman,
Dr. Singh y oficina, ambulance y 911,
Pastor Toti pa e bunita palabranan di consuelo,
pa tur cu tabata cu nos durante enfermedad y
entiero di nos defunto stima.

Boso presencia tabata un sosten pa nos.
Diasabra 25-2-2023 pa 7or di anochi na Misa
Santa Filomena Paradera lo bai tin un Santo
Sacrificio di Misa pa descanso di alma di nos
defunto stima.



"Señor ta mi wardador, mi'n tin falta di nada
Den cunucu di yerba berde e ta ponemi
sosega. E ta hibami na awa tranquil,
Pa mi bolbe haña forsa".
Salmo: 23

A fayece Cristianamente:

**Manuel Martinho
da Silva Cristo**

*04-09-1950 - †18-02-2023

Acto di entiero lo wordo anuncia despues.

There are no goodbyes. Where ever
you'll be, you'll be in my heart.
Rest in Peace.



Laga tur loke ta spera mi ta bunita
Laga tur locual cu mi encontra
na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Cu profundo sentimento y memoria carga
cu dushi momentonan, nos ta anuncia e
fayecimento di nos kerido, pareha, tata, opa,
ruman, tio, primo, sua y amigo:

**Jaime
Dionisio Coeriël**

*3 di oktober 1934 - †17 di februari 2023

Na number di su:
Pareha:
Ingrid Croes

Yiu:
Xiomara Gysbertha- Coeriel y
Gurni Gysbertha.

Yiunan di criansa:
Maria Thompson y
Manuela Thompson.

Rumannan:
Mirna y Kiki Aniceta
vda. Stella Faneyte
Ercio Coeriël

Nietonan:
Anais Kirindongo-Mogen y Gerald Mogen.
Jean Carlos Kirindongo y famia.
Alexander Gysbertha.
Chaïska Cijntje- Gysbertha y Abdi Cijntje.
Naemi Gysbertha.

Nieto di criansa:
Sueallen Hassell

Bisanietonan:
Nathaniel, Ti-pharmy,
Safira, Aidan,
Amiah y Jeancaelen.

Demas famia:
Adele Oster y famia

Primo(a)nan, subrino(a)nan, sua y cuñanan,
ihanan, conociman/amigo(a)nan di cas di
Partido AVP, bisiñanan, amigo(a)nan cu ta hopi
pa menciona y demas famia.

Su dokter di cas:
Usha Ramcharan

Ex-coleganan di Prison Koraal Specht
Personal di Cas di cuida Oasis y Betesda

Nos disculpa si den nos tristesa nos por a lubida
algun famia.

Ta invita demas famia, bisiña, amigo- y
conociman, pa e acto di despedida cual lo
tuma lugar **diasabra, 25 di februari 2023**, for 9
or pa 11 or di mainta na Aurora Funeral Home.
Cremacion lo tuma lugar den seno familiar.

Oportunidad pa condolencia lo ta diabierna,
24 di februari 2023, for di 7 or pa 9 or di anochi
na Aurora Funeral Home.

Ta lamenta cu despues di despedida no ta ricibi
bishita di condolencia na cas.



Menschen die wir lieben bleiben für immer,
denn sie hinterlassen Spuren in unseren Herzen.

'Wenn Ihr mich sucht, dann sucht mich in Euren
Herzen. Habe ich dort einen Platz gefunden,
werde ich immer bei Euch sein.' Antoine de
Saint-Exupéry

We deeply regret the loss of a lovable, talented
and most kind-hearted person who left traces of
his life in our hearts by his presence. You quietly
disappeared out of our lives...but never from our
hearts and minds. You will be missed deeply and
we will never forget you.

Emir (Sadi) Sadikovic

12 januari 1959 - 11 februari 2023

Mother:

Bedija and Gunter Dübner

Sister:

Suzana and Peter Römer
Benjamin Römer

Blended family:

Ivolaine and Ricardo
Yrishar
Senna
Jeanine and Gert-Wim
Jules

and everyone who loves you...!

Funeral will be held on
Thursday Februari 23rd 2023
at the Aurora Funeral Home from 2pm to 4pm

When I'm Gone


When I come to the end of my journey
And I travel my last weary mile,
Just forget if you can, that I ever frowned
And remember only the smile.

Forget unkind words I have spoken;
Remember some good I have done,
Forget that I ever had a heartache
And remember I've had loads of fun.

Forget that I have stumbled and blundered
And sometimes fell by the way.
Remember I have fought
Some hard battles and won,
Ere the close of the day,

Then forget to grieve for my going,
I would not have you sad for a day,
But in summer just gather some flowers
And remember the place where I lay

And come in the evening
When the sun paints the sky in the west,
Stand for a few moments beside me
And remember only my best.



Salmo 23: Señor ta mi wardado pues mi no tin falta
di nada.

Cu tristesa na nos curason pero cu boluntad di Dios.
A fayece Cristianamente

Sra. Rodelfina Angeles Leito

Mihor conoci como Fin-Fina-of Nana
*02-Oktober-1923 – +16 Februari 2023

Number di su yiuinan:

Enid Nassy
– Astrid y Rolando

Irene Nassy
– +Robert-Marlene - Rudy

Ursy Nassy
– Sharine (Lily)

Judith Nassy
– Janiro y Deyanira

Erwin Nassy – Minerva Nassy Martes
–Shaheen – Sharon – Sharizette – Shermehen

Ronald Nassy (Ronny)
–David – Nathalie

Shirley Nassy
–Sisline – Suhaill

+ Yvonne Cristina-Nassy – Frank Cristina
Robert - Rupert
+ Eric Nassy – Ramonita Koolman
Germaine

Astrid Nassy – Elvin Boekhoudt
–Gregory – Juraima – Lai-Tim - Herbert

Nieta manera su yiu muher:

–Juraima Nassy – Oswald Yarzagaray

Su tutu mama nan

–Joshuen Y Cayden Yarzagaray

Tur su bisanieto (a) nan tatara nietonan Su subrino
(a) nan prima y primonan y hijanan.

Su Dokter di cas stima Dr. Reynold Luchmun y
famia y assistente
Herbert Faulborn (Herbucho)
Carlos How
Pacheco Eisdén (Panseico)
Su mihor amiga Imelda Molina Schoop

Su ex bisinanan:

Mirtha Mimi Petronia y rumanan y famia
Viviana Anseljiena y famia (korsow)

Su manicuristanan:

Kari y Marlene
Bea

Su peluquera:

Ramona

Y demas famia: Leito, Nassy, De Cuba, Calmes,
Cotarelo-Idigoras, Eisdén, Cristina, How, Faulborn,
Yarzagaray, Stuart, Martinus, Kelkboom.

Si den nos tristesa por a lubida algun famia nos
disculpa. Acto di despedida y cremacion lo tuma
luga **22 februari 2023 Na Pray Funeral home na
San Nicolas. Orario 9:00AM-11:00AM**

Por favor no manda krans ni flor door cu ta un
cremacion.
Nos ta lamenta cu no lo ricibi bishita di
condolencia ni prome ni despues di cremacion
na cas.



De Mens schikt, maar God beschikt

Met intens verdriet delen wij mee dat Rudolf E.
Offringa, echtgenoot, vader, grootvader, broer,
oom schoonbroer en vriend ons heeft verlaten.

Rudolf E. Offringa

Zonsopgang: 19 maart 1956 te Den Helder
Zonsondergang: 14 februari 2023 te Aruba

Echtgenote:

Esther Williams

Kinderen:

Quincy Offringa en echtgenote Nienke Offringa
Sarah-Quita Offringa

Kleindochter:

Yarah Celine-Luz Offringa

Broers:

Danny Offringa echtgenote Anja Offringa-Punt
Pieter Offringa echtgenote Linda Offringa-Lo-Fo-
Sang

Schoonzussen:

Desiana Peeters-Williams en echtgenoot Harry
Peeters
Elaine Williams
Ruth Williams
Natasha Williams-Phatela en echtgenoot
Thabang Phatela

Neef:

Jurriaan

Nichtjes:

Sanne, Eva & Anne-Fleur in Nederland
Sandy, Chandra & Mandy in Sint Maarten
Allyshanee in Nederland
Itumeleng, Dineo & Senate in Namibië

Verzorgster:

Adriana Castrillon

Ruud toonde liefde, blijdschap, vrede, geduld,
vriendelijkheid, mildheid, trouw, tederheid en
zelfbeheersing

Condolance te Aurora Funeral Home:
op donderdag 23 Februari 6pm-9pm
Condolance & uitvaart op **vrijdag 24 februari**
2pm-4pm gevolgd door begrafenis te Sabana
Basora Begraafplaats.

Wij ontvangen graag herinneringen, verhaaltjes
en condoleances via
[e-mail: Donrodolfo1402@gmail.com](mailto:Donrodolfo1402@gmail.com)



"Wie in mij gelooft zal leven,
ook wanneer hij sterft, en ieder die leeft en
in mij gelooft zal nooit sterven."
Conform de wil van God, en na een prachtig
leven samen, moet ik afscheid nemen van mijn
lieve man.

Peter B. Markus

*25 Mei 1946, Voorburg, Ned.
†19 Februari 2023, Aruba

Datum en uur van de afscheid
zal later vermeld worden.



AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com